



## **Universitätsbibliothek Paderborn**

**Synopsis Magnalium Divi Josephi**

**Ignatius < a Sancto Francisco >**

**Leodii, 1684**

Cap. 10. Per eande[m] gratiam fuit D. Iosephus etiam contra venialia  
confirmatus.

**urn:nbn:de:hbz:466:1-38500**

## 160 Synopsis Magnalium D. Josephi,

utriusque gratia: et si enim originalis esset cum exclusione omnis peccati, gratia tamen sanctificationis in utero operatur in natura lapsa quod non potuit originalis in integrâ: sanat enim illa à peccato, à quo haec non præservavit: quid mirum ergo si illa statuat in bono quod haec non potuit? Porrò gratia sanctificationis in utero uberior fuit illâ gratia originali Adæ, quia fuit ex meritis Christi infinitis non haec: nam in Doctrina D. Thomæ & sequacium ejus, haec Adamo destinata fuit ante decretum Incarnationis mysterium: si enim Adam non peccasset, inquit D. Thomas, Christus non venisset.

**XXXI.** Confirmabitur amplius haec sententia ex dicendis Capite sequenti.

### C A P U T X.

*Per eandem gratiam fuit Deus Iosephus etiam contra venialia confirmatus.*

I. **D**ico ergo non tantum per illud donum confirmationis in gratia, id assecutus est D. Joseph quod alii confirmati, ut scilicet nunquam abinde peccaverit mortali-  
ter: sed præterea, quandoquidem co-  
excellenter per omnia accepit grati-  
am, quo præ ceteris ad altiorem gra-  
dum & ordinem ascendit: probabilis-  
simum certe cum aliis quam pluri-  
mis, fuisse in sanctitate tunc ei divina  
manu immediatè & largissimè infusa,  
ita firmatum & fixum, ut nemo, ( si lo-  
lam ipsius sponsam exceptis ) sic fuerit  
ut ille: atque adeò nec etiam ad venia-  
le unquam deflexisse, ut hoc credam  
adducor. Primo, ex eo quod idem do-  
cent de D. Joanne Baptista Ven. Beda  
homil. de illius decollatione, Galati-  
nus lib. 7. cap. 9. & alii tam multi ut  
Abulensis in cap. 14. Matthæi quæst.  
40. dicat id communiter credi; cui  
opinioni concinit Ecclesia columna  
veritatis, in his verbis:

*Antra deserti teneris sub annis  
Civium turmas fugiens petisti,  
Ne levi saltem maculare vitam  
Famine posses.*

Si enim hoc de Divo Joanne Baptista

communiter creditur, cur non idem  
& à fortiori credatur de D. Josepho,  
uti de vero Christi Domini Patre?

Et certè licet hoc privilegium non  
fuisse D. Joanni Baptistæ concessum,  
adhuc tamen Sanctissimo Josepho non  
esset denegandum. Ea enim, ut ait  
Textus in l. finali de probationibus,  
que veniunt ex bona conjectura, vera esse  
dicuntur. At Patrem IESU verum, hoc  
dono donatum fuisse bona conjectura  
est, ergo res vera.

Tertiò, idem probatur ex illo Con-  
cil. Trident. fess. 6. canon. 23. Si quis  
dixerit hominem justificatum posse totâ  
vitâ suâ omnia peccata, etiam venialia  
vitare nisi ex speciali Dei privilegio,  
quemadmodum de Beatâ Virgine tenet  
Ecclesia, Anathema sit. Pro cuius in-  
telligentia,

Nota, non tantum intelligit Con-  
cilium ut vitentur peccata venialia totâ  
vitâ requiri speciale auxilium gratie,  
prout contra distinguitur ab auxilio  
tam reprobis quam electis communis,  
quo sensu donum perseverantiae dici-  
tur ab eodem Concilio Canon. præ-  
cedenti citato hic cap. 9. fess. 1. num. 21,  
auxilium speciale: sed intelligit tale ut  
nec ipsis prædestinatis concedatur, quale fuit concessum Bea-  
tae Virgini: & ideo Concilium non  
vocat illud auxilium quo illa vitantur  
speciale Dei auxilium, quemadmodum  
Canone præcedenti vocavit donum  
perseverantiae, sed vocat illud speciale  
Dei privilegium.

Dico ergo ex Concilio, prout sine  
illo speciale Dei privilegio non possunt  
omnia peccata venialia totâ vitâ vitari,  
ita cum illo possunt, ut patet: Cùm er-  
go ceteris prædestinatis speciale auxi-  
lium istud concedamus, cur hoc spe-  
ciale Dei privilegium Divo Josepho  
adeò supra illos omnes ratione emi-  
nentissimæ sua dignitatis eventu de-  
negaremus.

Probatur quartò, cùm aliis innume-  
ris Sanctis datum sit rarissimè veniali-  
ter peccare, immò vero D. Augustinus  
lib. 2. de Peccat. merit. cap. 6.  
doceat non esse oblitendum eis qui  
affirmant esse posse hominem in  
hac vita sine peccato, intellige (ut  
sanè intelligas) cùm limitatione Con-  
ciliij

cili Tridentini loco mox citato ver-  
su 3. Cur hoc Divo denegaremus  
Josepho.

VII. Nec valet quod contra objicit Ar-  
riagain 1. 2. tractat, de Justificat. disp.  
31. fest. 6. concl. 2. temerarium esse  
præsumere quod non audet Concilium  
Tridentinum: Sed Concilium  
non audet illud asserere nisi de Beata  
Virgine, ita res ista est rara & mira-  
culosa, ergo, &c. Respondeo enim et si  
res sit rara & miraculosa esse tamen  
possibile cum singulari Dei privi-  
legio ex Concilio Tridentino: hoc  
autem Divo Josepho concessum fuisse,  
ipsius supra omnes Electos electio  
suadet.

VIII. Respondeo secundò, Concilium ad-  
duxisse Beatam Virginem in exem-  
plum, quod cum *speciali Dei privilegio*  
omnia peccata etiam venialia tota vi-  
tati possint: quod autem illam  
solam adduxerit, id non ideo fecit  
quod nulli sunt alii præter ipsam, sed  
quia non fuit necesse, insufficiens enim  
unum adduxisse.

IX. Probatur quinto ex doctrina Sancti  
Clementis, Alexandr. lib. 1. Pedag.  
cap. 2. Francisci Suarez tomo 3. de  
Gratia lib. 9. cap. 8. num. 25. Alvaris  
de Pacz tomo 2. de Extermin. malis  
lib. 1. part. 1. cap. 9. ubi docent Justos  
aliquos valde perfectos, qui toti stu-  
dent puritati & sanctitati, posse tota  
vitæ vivere sine peccato etiam veniali  
quod sit plenè voluntarium, & cum  
deliberatione certa: idque non vide-  
tur negandum Sanctis Apostolis post  
receptum in die Pentecostes Spiritum  
Sanctum: Unde Divus Chrysostomus  
in eandem cum illis conspirans sen-  
tentiam homil. 20. in Matth. ad illud  
*Fiat voluntas tua sicut in celo & in terra.*  
ait: *Nihil est quod propter terrenarum  
rerum habitaculum ad supernarum virtu-  
rum perfectionem homines prohibeat per-  
venire. Est quippe possibile ut in terrarum  
adhuc regione degentes quasi jam in celis  
habent ita cuncta perficiant.*

X. Peccarunt ergo tantum illi ex qua-  
dam subreptione, sed D. Josepho ex  
dicendis infra Cap. sequenti extinctus  
aut certè ligatus fuit fomes peccati, ut  
nunquam appetitus ejus rationem  
prævenierit: ergo ex hac ratione nec

venialiter peccavit, quandoquidem  
semper sibi & Deo præferrimus, ni-  
hil ex subreptione fecerit.

Objicies primò Proverb. c. 24. vers.

16. *Septies in die cadit Iustus: quid ergo  
de tota vitâ, præcipue vero quando  
ad longum protenditur ut vita Divi  
Josephi?* Respondeo Scriptores plures  
ita hunc Scripturæ locum citare ex  
Authore Catenæ Græcæ, Cassiano lib.  
2. Collat. 22. cap. 13. nonnullisque  
Codicibus manuscriptis, & esse jam  
vulgare: illud tamen *in die*, non habe-  
ti nec in Originali Hebreo, nec apud  
Septuaginta Interpretes, nec in nostrâ  
vulgata, nec in aliis impressis saltem  
alicuius fidei, quos si mihi non credes  
conculere poteris.

Objicies secundò, illud Ecclesiastæ  
cap. 7. *Non est homo justus in terra qui  
faciat bonum & non peccet*, intellige  
venialiter. Respondeo ad illa & alia  
similia loca, haec intelligi de Justo ju-  
stitia ordinaria. Respondeo secundò,  
si velis etiam intelligi de Justis justi-  
tia extraordinaria intelligendum cum  
solo *speciali Dei auxilio*, prout contra-  
distinguitur ab illo qui est in omnibus  
justis communi, inter quos sunt ali-  
qui reprobi, non de Justo justitia  
summè extraordinaria, & cum gratiâ  
illâ, quam Concilium Tridentinum  
vocat *speciale Dei privilegium*.

Instabis, nulla datur talis gratia. XIII  
Contra, si nulla talis datur, quomo-  
dò ergo Concilium dixit sine tali  
non posse peccata venialis vitari?  
Quod si datur talis, an amabo, ne-  
gabitus Divo Josepho cui toti ti-  
tulis debetur? Ergo tam singularis  
fuit Divi Josephi Sanctitas, tanta vi-  
ta & morum ejus innocentia & pu-  
ritas, ut cam nulla peccati mortalis  
caligo obfuscare & extinguere, nul-  
la venialis umbræ vel minimum obse-  
rare potuerit.

XI

CAPUT

Unopis

venialis  
D.  
Josephi  
S.